

<b>Cyngor Sir CEREDIGION County Council</b>	
<b>ADRODDIAD I'R:</b>	Pwyllgor Trosolwg a Chraffu Cymunedau Ffyniannus
<b>DYDDIAD:</b>	19/10/2022
<b>LLEOLIAD:</b>	Hybrid
<b>TEITL:</b>	Gwywiad Coed Ynn - Diweddariad er gwybodaeth
<b>DIBEN YR ADRODDIAD:</b>	<ol style="list-style-type: none"> <li>1. Cyfleu i'r pwyllgor y cynnydd a wnaed hyd yma gyda rhaglen ar gyfer y dyfodol sy'n cyflwyno'r hyn a fydd yn digwydd nesaf.</li> <li>2. Archwilio'r cyfle i sefydlu tîm o fewn yr awdurdod gyda'r peiriannau priodol i ymgymryd â'r gwaith cwmpo oherwydd gallai fod yn fwy cost-effeithiol na chontractio'r gwaith allan.</li> <li>3. Archwilio'r cyfle i ddefnyddio'r sgil-gynnyrch (coed wedi'u cwmpo) ar gyfer biomas gan arbed rhagor i'r awdurdod.</li> </ol>
<b>Y RHESWM PAM FOD Y PWYLLGOR CRAFFU WEDI GOFYN AM YR WYBODAETH:</b>	<p>Yn y cyfarfod a gynhaliwyd ar 20 Ionawr 2022, cytunodd y Pwyllgor Craffu y dylid cyflwyno argymhelliad unwaith eto i'r Cabinet, fel a ganlyn:</p> <p>Bod astudiaeth ddichonoldeb yn cael ei chynnal i ystyried yr opsiynau ar gyfer gwneud y gwaith hwn yn fewnol, a defnyddio'r sgil-gynnyrch i fwydo biomas yr Awdurdod, a bod hyn yn cael ei adrodd yn ôl wedyn i'r Pwyllgor.</p>
<b>CEFNDIR:</b>	<p>Bydd Gwywiad Coed Ynn yn arwain at brinder a gwywiad hyd at 95% o goed ynn yn y DU, ac mae'r onnen i'w gweld dros ardal eang ledled Cymru a Cheredigion. Mae hyn yn cynnwys y tu allan i goetiroedd ar ffurf gwrychoedd a choed unigol ar hyd ffyrdd, hawliau tramwy cyhoeddus eraill ac mewn mannau cyhoeddus. Mae'r onnen, ochr yn ochr â'r dderwen a'r ffawydden, yn un o'r tri phrif fath o goeden perth sydd gennym.</p> <p>Y risg yw bod coed marw a'r rhai sy'n cario'r clefyd yn debygol o achosi perygl o ran iechyd a diogelwch i'r cyhoedd, ynghyd â chael effaith sylweddol ar yr economi, yr amgylchedd a'r tirlun.</p>
	<p>Mae gwybodaeth fanylach ynghlwm wrth yr adroddiad.</p> <p><b>Atodiad 1</b> - Amserlen a rhaglen y dyfodol</p> <p><b>Atodiad 2</b> - Astudiaeth ar sefydlu tîm o fewn yr awdurdod gyda'r offer a'r peiriannau priodol i wneud y gwaith torri coed sydd ei angen - ymarfer effeithlonrwydd cost.</p> <p><b>Atodiad 3</b> - Astudiaeth ar Gadw a Defnyddio neu Werthu Biomas (pren a/neu naddion pren) sy'n Deillio o'r Prosiect Gwywiad Coed Ynn</p>

<b>LLESIANT CENEDLAETHAU'R DYFODOL:</b>	<b>A oes Aseiad Effaith Integredig wedi'i gwblhau? Os na, nodwch pam</b>	Oes
	<b>Crynodeb:</b>	
	<b>Hirdymor:</b>	Helpu i warchod manteision coetiroedd ynn yng Ngheredigion gan sicrhau diogelwch ein dinasyddion.
	<b>Integreiddio:</b>	Adeiladu cadernid economaidd ac amgylcheddol tuag at y clefyd hwn a thuag at blâu a chlefydau eraill.
	<b>Cydweithio:</b>	Arwain ac annog tirfeddianwyr, dinasyddion a'r diwydiant i gymryd rhan mewn gwyliadwriaeth, monitro a gweithredu wrth ymateb i Wywiad Coed Ynn. Sicrhau bod gwybodaeth ar y we ynghylch Gwywiad Coed Ynn yng Ngheredigion yn parhau'n gyfredol.
	<b>Cynnwys:</b>	Cynnal gwyliadwriaeth dargededig, gwneud gwaith maes i gadarnhau damcaniaethau a gallu diagnostig ar gyfer Gwywiad Coed Ynn yng Ngheredigion. Ymgysylltu â gwyddoniaeth dinasyddion i gynorthwyo i adeiladu ar gapasiti iechyd coed a chynorthwyo i fonitro Gwywiad Coed Ynn.
<b>Atal:</b>	Dynodi coed ynn sy'n wydn yn wyneb y clefyd a'u defnyddio ar gyfer 'stoc had' i ailblannu yn y dyfodol.	

**ARGYMHELLION:**

Diweddariad er gwybodaeth yn unig.

**Y RHESWM DROS YR ARGYMHELLION:**

Amherthnasol

**Enw Cyswllt:** Phil Jones

**Swydd:** Rheolwr Corfforaethol – Gwasanaethau Priffyrdd

<b>Dyddiad yr Adroddiad:</b>	19/10/2022
<b>Acronymau:</b>	GCY - Gwywiad Coed Ynn CGGCY - Cynllun Gweithredu Gwywiad Coed Ynn HDG - Hawl Dramwy Gyhoeddus LIC - Llywodraeth Cymru CLILC - Cymdeithas Llywodraeth Leol Cymru CSSC - Cymdeithas Syrfewyr Sirol Cymru
<b>Atodiadau:</b>	Fel yr amlinellwyd uchod